

Akemmell

Almud: Tumzabt. Massa: SAID. M

Aseggas Asdawan: 2023/2024

Aswir: wis sin

Igrawen: 1-2-3

Aḍris fayed semmes (f.5)

Azwel : **Sidna Suliman d imekreḍ n lwez**

Iggen werğaz yus-d yel Sidna Suliman, yenna-yas : « Ya Nnbi Rebbi, lğiran-ik ttakren-
i lwez-ik, wel ssiney manayu ittakren. » Sidna Suliman iceyyee i medden l tzallit, yenna-yasen:
« Manč! Iggen seğ-wen yettaker lwez n lğar-s, yus-d yel tamejdida tibulbulin tabejna-s. »
Lweqt-nni, imekreḍ yessers fus-s tabejna-s. Yenna Sidna Suliman: « Tṭfet arğaz-u, netta d
imekreḍ. »

Aḍris fayed sess (f.6)

Azwel: **Sen imkerḍen d bab leğnan**

Ssawalen f sen imkerḍen, iggen wass utfen yel yiggen leğnan ad akren iyemmayan.
Iggen si-sen yuli tameččit, d wiḍiden yuli sferjelt; bdan ttetsen iyemmayan, ttağan-ten ibernas-
nsen. Netnin am wenni, bab n leğnan yergeb-ten. Yuzen ixeddamen-s bac ad ten-d-awin. Si
eaden dessat-s, yumer f ixeddamsen bac ad rżen f tbejniwinnsen iyemmayan iy ukren.

Aḍris fayed sa (f.7)

Azwel: **Tillit d lberyuget**

Ḥekkan f yigget tellit tettuy lefrac n yiggen werğaz s witli-s, tettuy teğğur meā laman,
tesses idammen n werğaz-nni si aya yili yettes, lac yers lexbar. Nettaha am wenni, iggen değ
yiḍ, tusa-yas-d lberyuget, tenna-yas : « Deyyef-iyi. » Twajeb-tt : « Ens değ yiḍ-u yer-ney, ad
teswed idammen d iweḥdiyen, ad iead yer-m lefrac d aweḥdi. » Tensu lberyuget. Si yettes
werğaz-nni, tkeddeḍ-t al d-ifaq. Yeččer-d arğaz, ikelleb amčan-s, terwel lberyuget ; wel yufi
menxlaf tillit, yettef-itt, yenyi-tt.

Aḍris fayed tam (f.8)

Azwel : **Ttajer d ssanee**

Ḥekkan yef yiggen ttajer d yiggen ssanee ttuyen d lḡiran. Memmi-s n ttajer, iggen wass, yuḍa lwad, yeyreq aman. Yergeb-t ssanee, iḡar yer-s, yessemnee-t.

Lwacca, taddart n ssanee-nni teḥrek. Ininni iemren taddart-nni rewlen. Yelli-s n ssanee-nni ttan-tt igget tzeqqa. Yergeb-tt ttajer, yiwi-tt-d, menbeed, yenna-yas i baba-s : Asennat, cečči tessmeneed memmi-k, ass-u necci smeneey yelli-č.

SAID MIRIA